

重脩鳳翔縣志

第一冊

第一冊

輿地  
星野  
疆域  
形勝  
陵墓  
學宮  
縣城  
姓氏  
凡例  
序

舊序  
目錄  
縣境  
縣署  
八景  
沿革  
山川  
古蹟  
風俗

DS  
793  
S452  
F383  
1767  
V.1










序

鳳郡為三秦之右輔而鳳邑為八屬之領袖  
南控褒斜西達伊涼橫水環其左靈山峙其  
右平疇廣陌萬室雲連故其財賦之重人文  
之聚物產之殷皆甲勝他邑採風者於此欲  
其巨臚細列人詳物業非邑志其奚稽耶邑





令羅君盱江名宿歷任陝省有年適予守郡  
之三載來司邑篆同城共事予以其人諳練  
奮往凡有益於政治風教者與為商確數年  
來修廢舉墜皆能成予之志令手輯邑乘數  
卷請予言以弁簡端蓋鳳志自前任韓令續  
修而後距今又三十餘年前有未脩之文獻



後有應增之事蹟則重加訂正廣事搜羅亦  
事理之所宜然者況今

聖主當陽四海率俾制作輝煌炳炳麟麟文明之  
治超越前代而又以輿圖式廓聲教旁敷特  
簡儒臣重輯一統志採勝搜奇窮遐極遠舉數  
萬里之山川形勝文物英華一覽而犁然在



目猗歟休哉躬逢

盛世民熙物泰守土諸臣得不揚詡

聖化潤色太平耶羅君有見於此而知當務之為

急其趨事之勇決居心之忠敬於此可概見  
矣至於輅躬飭俗杜漸防微牧民之道有如  
馭朽余願與同事諸君交相儆惕庶無忝於



恪恭之義焉云爾

皆

乾隆三十二年丁亥歲荷月之朔鳳翔郡守  
達靈阿序

又



江蘇省城  
蘇州府城  
蘇州府城

三十二年丁亥歲次

蘇州府城



叙

從來事之修廢存乎人人之舉事視乎時時  
之得為與不得為又有數存焉得為而不為  
則曰循苟且人不得辭其咎故天下無不可  
為之事而獨難遇得為之時也予不敏才識  
固謏劣然自通籍以來每勇於任事而常困  
沮於時時丙寅予初入關署山陽篆山陽巖



瘠邑邑中之事墮廢者多予謀欲舉之甫四月而離任時不得為也隨涖任興平五載適值軍需旁午災賑頻仍日勞勞於撫卹奔走至庚午而稍息始得舉地方要務而經營之如清馬廠分社倉立蠶局建公館修文廟而葺學宮增書院而設義學方議置膏火修邑志未畢乃事而調任洵陽是時得為而中沮



也洵處山僻斗大之城無所展布惟經營於  
學校如書院則已拓矣膏火設法議置未得  
允准正欲重修邑志又以母老請養而解組  
時可為而卒不得為也服闋赴京候補五年  
虛度至癸未冬乃蒙

特恩簡補茲邑邑附郭而事繁加以前此連年歲  
歉協幫軍務我太守達公愛民力而惜民



財一切廢墜未肯輕舉緩之有待近荷  
天庥連歲豐稔太守曰吾欲乘時以修百廢  
捐貲為倡爾其襄之予謹遵命比年來如學  
宮如考院如祠廟如寺觀如衙署公館如倉  
庫城池靡不修葺向之傾圯而狹隘者今皆  
輜飭而宏敞矣至於郡邑志尤關政典歲乙  
酉奉



詔徵天下府州縣志送入史館太守因郡舊志字

跡模糊爰糾八屬捐俸重刊命予董役是秋  
設局而越夏告成予乘郡志既修之後集邑  
中紳士而告之曰邑志修於前令韓君迄今  
又三十餘年矣其間之因革不一歲久事增  
今不續修後恐湮沒且乘府志採輯之後事  
半而功倍焉諸紳士皆曰然各願捐貲為助



而又得察佐蘓君直菴贊理之乃請吾同鄉  
孝廉周君光宇持其總寶雞孝廉高君捷南  
本邑孝廉劉君鷺百襄其事參考舊典博訪  
新聞訛者正而缺者補冗者汰而紊者釐稿  
既成抄錄費呈

院司道府各上憲而教正之乃付剞劂至丁亥  
四月而版成總綱八細目九十有五分為八



卷予於簿書之暇細加檢校不敢謂其盡善也然事必核實不相沿襲而無使假借不亦足以信令而傳後乎是志之成亦由乘時以舉事費不多而且之餘因餘貲而又倡捐書院置膏火向鳳邑之無者而今亦有之使來茲多士皆得藉以熏陶一舉而兩得非予之喜事也是皆有關政典予幸際



聖明化洽之時忝居職宰敢不盡我心以從事乎  
惟冀後之君子及邑之賢士大夫諒予之力  
而鑒予之志也是為叙  
乾隆三十二年歲次丁亥孟夏上浣鳳翔縣  
知縣盱江羅鰲撰





志叙

邑之文獻繫乎志志之修廢存乎人今夫山  
峙川流申畫之定界也城繕隍浚建置之大  
端也任土則壤貢賦之成規也然而時有否  
泰治有汙隆代有沿革由是政事有損益官  
師有賢否人風有淳漓土物有羸絀不因地



而志之則無徵不得其人而志之則失實無  
徵失實則不足以備國史之採擇而資學士  
之考鏡故雖彈丸瑩爾不可無志志不可不  
善况其為通都大邑者與余啻  
命來秦中朞歲之間歷州郡者十數始以為志  
書邑盡有之及索觀則十缺四五徵獨邑雖



郡亦然所有之志又多閱數十年且百年甚至漫漶不能讀質諸其邦之大夫或曰欲修之而未逮也或曰是久未修苦無父老之傳金石之刻欲修之而無據也夫今之無據者非前之人之緩有以致之與今且無據後更奚藉焉然則修志固存乎人而又必其不緩



於茲事者乃能為也扶風郡關中右輔其首  
屬鳳翔尤望邑也豫章羅侯為宰之五年  
修邑志成郵眎余且以書告之曰斯邑自前  
令韓君修之已三十四年矣某初履任時每  
以餘閒披校竊慮歲久事增漸就湮沒適一  
統志奉



詔編摩徵天下府州縣志書送館某乘郡守設  
局採輯之後舉邑志而新之叅訂史乘諮訪  
紳耆更其訛補其缺刪其繁較舊編頗為詳  
備將梓以垂永久余受而卒業稱善再三蓋  
侯之用心良勤其別裁尤合義法自古迄今  
凡申畫建置貢賦以及政事官師人風土物



其有關於斯邑者罔敢佚而辨悉源委不欲  
牽引合郡與鄰治事蹟徒為夸張觀美謂非  
信而有徵核而不失其實者與繼自茲溯斯  
邑之文獻者必曰侯於以知斯志之作得其  
人而時之當乘而不當緩也嗟乎天下之事  
其初常苦於有所待而其後曰循展轉遂至



於不得為以侯之於邑志如此其於民生之  
利濟政治之經紀苟有可及為者豈肯緩哉  
猶憶童時誦甘棠之詩輒流連不忍置鳳翔  
為召伯采地官於斯者慨然想見南國之化  
於今其與民相涵濡者宜何如也余更將聽  
民謠以頌侯之政與斯志同播於無窮也



乾隆三十有二年歲在丁亥仲春三秦督學  
使者天都吳綬詔書於西涼驛舍





志跋

邑有志郡有乘其與國史同一不朽也然國史一  
書採諸省志郡志而邑志又郡志省志所從出色  
志之所關詎不重哉我

邑侯立峯羅公以盱江名進士來蒞茲邑甫下車即  
以興廢舉墜為已任議修縣志建書院歲乙酉夏  
五月適

郡憲達公重修郡志命公董厥事公以江右孝廉周



皇

恩

君光字有文名延入志局隨命予與陳倉高君捷  
南同入而襄事郡志藁成踵修邑志至嘉平而藁  
亦成丙戌春予與周高二君同試春官榜前

旋里進謁承公過愛館於署時郡志成書邑志甫  
刊公付舊稿命予重加參訂因為釐其次第正其  
魯魚補其闕失自丙戌八月至丁亥四月朝夕編  
摩者復逾半載雖未必盡符公意而夙興夜寐兢




兢兢然惟恐檢校偶踈貽我公羞者固公所親見也  
志版垂成又興修書院議置膏火勸邑紳士捐輸  
為久遠計予既喜邑志之成而更喜公之大有造  
于鳳邑者如建書院置膏火皆一勞永逸將與邑  
志同貽羨於無窮也爰勉為數語以跋其後

昔

乾隆三十二年歲次丁亥夏四月書於鳳翔縣署  
之碧梧軒



雍溪劉震謹跋





前奉

學憲溫 發銀四百兩交典生息以為書院生  
童添買書籍之用嗣因各典領運生息之項不  
一互相推諉適有鬻書之家多係善板是以即  
將原銀提回購買共計二十一種一百一十四  
套開列清單交監院收貯書院櫃內俾生童得  
資觀覽仍令監院管理稽查並每夏伏天曝晒  
一次各生童取閱後仍皆照數收回如有更替  
作為交代毋得稍有損壞遺失用垂



學憲遺澤云爾併附誌之

一水谷主童承開於外資無幾外田賦亦更替  
資贖雙於今週知會野餘查並每夏於天縣西  
套開區前單文週知外銀書所歸內縣主童餘  
泚系發跡回觀買共信二十一縣一百一十四  
一立時年結斷亦屬書之案冬結善結是以明  
童承買書器之用嗣因各典貲聖主息之費不  
學憲點發贈四百兩文典主息以爲書額主

附奉



鳳翔縣舊志韓序

今

天子御極之六年

詔行各直省訪求忠孝節義之遺逸於下而未彰者輯入省志以付史館所以闡幽發隱甚盛典也於是秦省推糧臺主其事而檄下各郡縣咸命修之鋪適承乏扶風之首邑旣以傳詢於民因取前令王君所編邑志而討論焉見其所載本邑人物莫不魁岸秀偉代不乏人卽現今百年內如袁經畧劉侍御之忠節張雞山之高隱其



他匹夫匹婦名義所關無不凜然保持有之死而靡他者嗚呼可謂義矣扶風故爲文武之舊治其所以甄陶於禮義名教之中感奮激發興頑而立懦者固至今猶有然者乎惟是甲科寥寥已數十年僅有一二人豈山川偶有餘澤抑斯人自情其修故致然歟乃於辛亥歲鄧守任公旣捐修試院七十餘間又特延名孝廉訓迪孤寒之士余亦勉効建義塾於署左並各鄉分設共十處一時人士頗蒸蒸向風矣旣又隨公巡歷城隍見雍山西起湖水東流南原環抱於前栢林君坡等峰



屏倚於後信乎人傑固地靈哉於是邑紳士言曰城形如鳳西北舊有鐘樓圯已久請得而新之又術者言東湖宜瀦水而於其下流立一塔以收其氣再移演武場於城之西則文武科名皆利矣郡尊與別駕王公皆然之余乃復揚言於衆曰爾知山水之靈能鍾毓於人矣抑知人之善惡淑慝能轉移夫山水乎夫豪傑之士雖無文王猶興况今日岐陽鐘鼓振古如新而

聖天子養士作人之澤涵育深厚遠邁當年則人才濟濟應昌期而黼黻休明端有在矣願思所以無負此山川者



可也多士勉乎哉既而邑志告成因書此以弁其首云

天于時

雍正十一年歲次癸丑重九日邑令韓鏞謹撰



舊志武序

往歲

皇上命大臣修一統志復命羈邑繪輿圖進呈蓋欲知山川之平險風俗之貞淫地方之饒瘠民生之憂樂誠古者輶軒採風太史陳詩意也於是羈邑莫不修纂成書以備

御覽然修纂有未易言者事會得間必維其時問學優長曰維其人蒐輯其有待乎亦似有數存乎其間矣予承

簡命視學關中首校士鳳翔鳳邑王君以所修邑志見示予



覽之不禁有今昔之感也予筮仕汝南司李時王令尚  
爲諸生予閱其制義卽以遠大期之及予奉裁改補鳳  
邑而王君已擢高科矣當是時予蒞茲土始困於簿書  
迫於逋負繼則滇黔風鶴平涼弄兵鳳邑爲西南衝途  
大兵屯駐之地羽檄交馳岌岌然無須臾之暇問會紳  
士詢及邑志僉云聞明嘉靖時邑令李君曾爲修輯今  
斷簡不復存矣予爲嘆息者久之夫鳳邑南控褒斜西  
達伊涼岐雍高峙汧渭爭流成周興王之地嬴秦創霸  
之區漢唐畿輔大邑聖君賢王哲相名將千餘年間載



於經史者不可枚數至地號神臯勢擁上游英雄之所  
戰爭文士之所吟咏覽其遺蹟令人一往而深今觀邑  
志所載其形勝則禹貢之紀山川也其分野則保章之  
辨星宿也其典禮則子長之禮樂書也其沿革則孟堅  
之地理志也至於賢令先賢忠孝節烈靡不闡幽表微  
則歷代史之循良人物孝義烈女諸傳也擴擴無遺褒  
貶至公上可以備

盛朝之採擇下可以爲一邑之掌故信不刊之書也王君  
索叙以冠其首夫鳳邑爲予舊治王君爲予故交轉盼



之間二十餘年復會聚於此而適逢邑志告竣是予昔日有志而其時不暇成之者得王君而後成與予成之又何異焉此吾所謂有數存乎其間而不勝今昔之感者此也如云劉勰之書待休文之褒而後顯左思之賦俟元晏之序而始傳則予未之敢居也

時

康熙三十三年歲次甲戌孟秋之吉陝西督學使者孝

感武之亨撰



舊志王序

夫志猶史也一邑之事罔不畢載至於

朝廷慶惠之典

上臺循良之政凡有裨於地方民生者皆大書特書以昭

一時而傳萬世誠鉅典也然修纂則有未易言者矣

嘉

孝賦性魯鈍學未明乎經術才不達於政事謬叨一命

蒞茲鳳邑甫下車見人民遷徙田野荒蕪惴惴以不稱厥職是懼

上臺念其初入仕籍而匡救不逮雖黽勉從事而終無濟



於民瘼蒙

皇上覆載之仁發內帑蠲正賦旣而給牛給種湛

恩汪濊直與唐虞比隆矣

督撫司道諸大臣以暨郡邑末吏仰承

德意奉行惟謹招流亡勸開墾去歲秋成大稔民有起  
色乃相議曰吾儕之有今日皆

皇上噢咻之

上臺撫字之出諸溝塗而登之衽席者也爰建

萬壽亭於城東以爲歲時拜祝之地復立碑通衢以誌



上臺仁愛政蹟區區草野之誠固不足報答萬一然小民  
歌功頌德之情可見於此矣邑紳士謁嘉孝而言曰鳳  
邑無誌百有餘年凡典禮賦稅戶口風俗循令鄉賢以  
及閭巷忠孝節烈漸就湮沒屢請公修纂公遜謝稱不  
敏者再三矣今荷

皇上軫恤之弘恩

上臺撫綏之嘉政且自康熙元年以來賜扁額以光學宮  
增樂舞以崇

聖道褒先儒之裔舉養老之典沛捐租之惠種種善政皆三



代而下所罕覩雖史臣珥筆自與帝典王謨不朽而鳳  
邑屢蒙其澤倘邑志弗載何以裨百世後深山僻壤之  
民相與傳誦於無窮哉嘉孝瞿然曰是予之責也夫是  
予之責也夫乃與二三同志將鳳邑事蹟人物遠者考  
之書籍近者訪之見聞首書

皇上及

上臺之隆恩盛舉而邑事之當載者并次第序之閱五月  
而事竣彙爲十卷存其梗概雖然修纂誠有未易言者  
矣况嘉孝才學譾陋敢謂是書之備善乎若夫綴殘補



缺踵事增華是深有望於後之君子

時

康熙三十三年歲次甲戌閏五月穀旦文林郎知鳳翔

縣事汝陽王嘉孝撰



直隸新縣志卷之六  
一



凡例

一鳳志創修於前明萬歷中邑令李公榮繼修於

國朝康熙三十三年邑令王公嘉孝至雍正十一年邑令  
韓公鏞又續修之然而徵文考獻不無遺漏且距今  
又數十載凡宜增入者益多因而廣肆搜羅重加訂  
正

一舊志總綱十列卷六今更定綱目事廣於前文繁於  
昔因共增爲八卷使卷帙均勻而亦不失其條理之  
所存



一舊志卷首惟繪疆域城池兩圖而文廟學宮及境內名勝槩不圖列今悉增置篇端使披覽之下境內山川恍如周歷

一舊志驛舖另列一項武備另列一項今悉列入建置內庶綱目聯屬而免割裂之病

一舊志祠祀列仙釋後使緇衣黃冠儼與膺祀典者相混今則祠祀歸建置卷仙釋歸人物卷庶不失輕重之意

一舊志賦役多沿前朝舊額今惟以



當代賦役全書及乾隆三十一年奏銷爲定餘奉裁革者  
槩不復贅

一舊志名宦多載知縣以上官員於邑無涉殊屬假借  
今只載知縣以下並查載於省志者收入名宦雖寥  
寥數人而無泛濫之嫌

一舊志選舉惟載明以來科貢今則始漢終元凡徵薦  
科目可稽者悉編次補入而由明迄今選舉貢三項  
則譜爲年表以別其後先至國學掾吏亦爲進身之  
階然載之過多未免瑣碎故吏員一途惟已出仕者



附載

一舊志人物以皇后冠首而宦績忠烈統歸經濟一目殊欠允協今條分縷晰列爲宦績忠烈孝友儒行文苑義行各目而以后妃公主冠節婦之首庶幾位置較妥

一舊志人物如唐元載楊炎與名公卿並列魚目混珠殊覺不倫今楊炎另置雜傳中元載則無可節取並不列傳庶涇渭分流而於激揚不爲無助

一烈節貞節志堅金石視荼如飴固司土者所宜急爲



表揚以維風化但必擇旌表者始載則所收無幾茲  
除依舊志換載外其未曾奉旌而查核得實者亦許  
續入以爲將來請旌之地非敢濫登亦善善從長之  
意

一舊志藝文首載書秦誓詩黃鳥及左傳西銘等篇此  
等文字既見經傳昭若日星何須重載他如孟達辭  
漢入魏等書其文雖佳而人不足取茲刻亦不濫登  
至傳記詩歌有舊志已載而不妨捨置者有舊志未  
載而另行收入者惟視其有關於地方緊要與否初



非輕爲棄取

一舊志藝文次序不清今一日自爲一類而就一類中

又分別朝代之後先使觀者心目了豁

一紀事以叙事實祥異以昭徵應雜記以廣聞見亦採  
風者所必錄今彙爲外紀一卷以備參考其或有謬  
誕不經傳聞不確者不敢附入



鳳翔縣志目錄

卷首

序

舊序

凡例

目錄

姓氏

縣境圖

縣城圖

縣署圖

學宮圖

八景圖

輿地卷一

星野  
形勝

沿革  
古蹟

疆域  
陵墓

山川  
風俗

建置卷二

城池  
市鎮

解署  
里甲

學校  
村堡

橋梁  
坊表

舖舍  
兵防

驛站  
宮廟

壇祠  
寺觀

祠祀  
興除事宜

興修  
集賢館附



田賦卷三

地丁

徭役

課程

起運

存留

屯糧

更名

退難

鹽課

雜稅

官師卷四

倉儲

學田

物產

鹽法

秩官

選舉卷五

封建

名宦

科回

進士

舉人

徵薦

例監

吏員

鄉飲

武科

人物卷六

封贈

廕襲

貢生

武宦



宦績  
義行

忠烈  
隱逸

孝友  
流寓

儒行  
方外

文苑  
方技

雜傳  
公主

后妃  
節孝

藝文卷七

制  
賦

詔  
頌

文  
贊

狀  
碑記

議  
傳

書  
辨

啓  
祝文

論  
墓誌

說  
詩

跋

外紀卷八

紀事  
雜記

祥異  
志跋



宣義縣志

宣義縣志

宣義縣志

宣義縣志

宣義縣志



鳳翔縣志纂修姓氏

主修

賜進士出身文林郎知鳳翔縣事軍功加一級羅鰲

盱江人

叅修

縣

丞蘓邦憲

德化人

校對

儒

學

教

諭高其品

興平人

儒

學

訓

導張海

高陵人

督修



典

史錢琇瑩

大興人

編輯

揀發

湖南

試用

舉

人周方炯

盱江人

揀發

安徽

試用

舉

人高登科

寶雞人

揀選

教諭

候銓

舉

人劉震

邑人

採訪

舉人

張楷

李叙

苟振翮

劉建錠

張夢熊

張濬

孟從先

張勳

俱邑人

貢生

李子淑

馮鶴卿

霍鍾秀

范光基



劉永裕 楊枚 蕭荃 袁文達

李秉道 彭德潤 鄭永泰 張大德

俱邑人

監生

王言

邑人

岸生 孟光先 劉廼炳 馮灼 杜苞

張體仁 陳疇 吳多友 石瑾瑜

趙琮 陳道新 石中玉 畢凱

翟鷺 鄭憲 郭顯 張士傑

張毓洙 劉翊 邱衡南 程自南

王丙 張綬 谷瑜 李檜



李文英 高科 楊毓秀 馮天眷

王旌 黃珽 曹夢麟 屈特生

閆尚志 賈爾懋 翟生彩 石殿元

石含 劉師亮 唐允恭 秦良佐

張自修 李廷秀 李起鳳 魏安邦

郭興禮 楊鳳 甯元勲 王統緒

李敬業 田豐年 李夢熊 孟輔仁

彭德峻 張首瀛 李克順

俱邑人

繕錄



童生 王相 程卽達 梁濟衆 竇應元

焦桐 梁集鳳

俱邑人



宣公王休錄明安

樂樂鳳人



鳳邑圖攷

重刊鳳邑圖攷

卷之二 圖考

一



東北交麟遊界九十里

東交岐山界四十里

東南交岐山

鎮王魏  
里三十六界

鎮角彪

河岔三

野人塢

塚良三

塋川山

場武演

南關

東湖

關

城隍廟

三公祠

太富

塔寺河

東岳廟

紙坊河

柳家鋪

義學

三公祠

聖王廟

鋪

鋪

紙坊橋

鎮水橫

鋪家尹

橫水

鋪陽杜

山陽杜

老君坡

山玉宝

縣境圖


石佛頂

廟伯風


廟神湫

廟瓦


里十五界遊麟交北




















縣署圖












學宮圖

















右東湖覽勝圖

圖說 共八首

劉震

郡東門外蘓公有祠方湖一鑑堤柳垂  
絲池種荷花想瀟溪之獨愛亭顏宛在  
同詩人之溯洄




圖詩 共八首

周方炯

漁艷晴光映碧空  
明湖斜枕郡城東  
拂衣露惹垂楊岸  
入座香飄菡萏風  
流水不隨時代異  
遊人未卜古今同  
蘓公祠下王孫路  
緩理歸鞭落照中



舊在城東街  
今移置  
三公祠  
後









右凌虛眺遠圖

圖說


陳公築臺東坡作記名勝久傳千秋不  
替長楊五柞一極目而匪遙仁壽九成  
直舉頭而可睇



圖詩

迢遞層臺俯路岐  
登臨無限觸情思  
秋風禾黍三良墓  
古廟荆榛五時祠  
雲外孤懸吳嶽翠  
樹中遠挂渭流澌  
行人匹馬周原上  
舊蹟摩挲撫斷碑





圖







石鳳澗分派圖

圖說


一泓清澗兩道潺湲涓涓汨汨徧遶城垣  
汪入東湖自昔曾傳飲鳳挹來南圃  
於今藉以灌園



圖詩

滌漈春流靄暮煙窮源西北鳳皇泉平  
分一掌迴山郭遠抱千峯下渭川長塹  
隱祛戎馬跡清灘惟戀水鷗眠解纓試  
濯風塵色澤畔行吟意灑然







重刊鳳翔縣志

卷之四

圖考

七





右鳳樓曉鐘圖

圖說

城上鐘懸高齊長虹手攀樓欄俯臨城  
巷漸開夜柝試聽薄暮三敲驚起安眠  
且聆清晨一撞



圖詩

下臨豁壑上千霄百尺危樓俯成譙簷  
對青山吞落日鐘連夜杵動寒潮原田  
野曠雲千畝汧渭滌泗水一瓢歷歷長  
安飛鳥外煙霞望新此心遙







城西北二十里  
落成村



重修鳳翔縣志

卷之四 圖考

古



右迴龍煙雨圖

圖說


城西北隅有山委蛇蜿蜒相接煙雨迷  
離時屆夕陽佇見雲霞繚繞日當初霽  
遙瞻霧雨紛披



圖詩

匝地岡巒萬古存  
濛濛煙雨變朝昏  
春雷夜起蛟龍蟄  
野壑雲封虎豹蹲  
一幅溪山堪寫照  
幾回杖履阻攀援  
長年領略風光好  
吩咐鳴鳩與暮猿







城西北三十里

展 誥 山



重刊

卷一百一十五

圖考

六



右展誥雲霞圖

圖說

遠峙西北方正如玠照耀雲霞山光入  
畫峰巒半捲若卷帙之層封麓嶺平鋪  
儼絲綸之錫挂



圖詩

展誥形模肖紫宸雲霞五色擁絲綸山  
靈未荷封侯寵御勅偏疑拜命新疊疊  
錦屏餘漢篆依依桃塢有秦人欲餐沆  
瀣窮幽賞最愛鶻啼二月春










文筆

城東南隅



文廟



考院



右文華朝輝圖

圖說

挿豎鳳尾高矗凌雲初日一照聿著清  
氛借助文思自爾文成五彩果成筆陣  
何難華掃千軍

大華

龍泉





圖詩

奎璧東南壯物華  
孤高文筆走龍蛇  
脫穎不留毛遂索  
建標遠接赤城霞  
寒芒夜掃千人陣  
春彩朝生五色花  
從此鳳凰池上客  
長將翰墨奉

天家











右城鴉晚噪圖

圖說

華華鳳城烏鴉晚集其去徐徐其來緝  
緝飛鳴有意似集苑之是占羽族何知  
乃朝鳳而孔急



圖詩

噪晚棲鳥向錦城高低斜帶夕陽征月

明已繞枝三匝霜落還驚夢五更幾度

呼羣翔北闕

唐昭宗幸鳳翔鳥鵲千羣飛集殿廷

更傳接

翅結方營

明崇正鳳翔學宮前烏鴉萬翼結成方陣



於今

聖代徵靈瑞好逐高梧鳳鳥鳴



按鳳邑八景半出天然舊蹟半為後世  
鋪張誠屬邑中名勝舊志並未拈出今  
各畫一圖圖後繼之以說又附之以詩  
使閱者如親見其景非以揆華而誇美  
實乃揚實而存真云爾

邑令羅鰲立峰氏識





鳳翔縣志卷之一

知縣羅鰲重修

輿地

星野  
形勝

沿革  
古蹟

疆域  
陵墓

山川  
風俗

右輔首邑霸國遺區星分東井地壯西都終南鬱抱  
汧渭縈紆伊涼隴蜀四達通衢八觀古蹟攬勝躊躇  
土深俗茂務本勤劬能夏則大於今不殊守土更化  
勿事驢娛志輿地

星野

按史記天官書與漢書地理志皆以東井輿鬼爲秦



分野又春秋元命苞云東井鬼星散爲雍州分爲秦國帝王世紀曰自井十六度至柳八度爲鶉首之次於辰在未於律爲蕤賓斗建在午今雍分野宋志曰東井八星月食其分有風雨日食秦地旱與鬼五星月犯之秦分君憂鳳邑於全秦得百里地彈丸之區必究其在井在鬼幾何度次固無取徵然邑爲附郡邑郡於星野旣辨其當入東井則鳳邑亦可類徵矣

沿革

夏



禹貢雍州之域

商

岐周地

周

召康公采邑平王東遷以岐鄠地賜秦襄公遂爲秦  
地秦自德公徙都此至獻公始遷櫟陽

秦

始皇置雍縣屬內史

漢



雍縣屬右扶風獻帝中平六年省扶風都尉置漢安郡縣屬

魏

雍縣屬扶風郡

晉

雍縣太康八年改扶風郡爲秦國縣屬

元魏

雍縣後魏屬平秦郡真君十年析置橫水縣西魏屬

岐山郡平秦郡岐山郡俱治雍



北周

雍縣屬岐陽郡

隋

雍縣開皇初廢岐陽郡爲岐州縣屬煬帝時州廢置

扶風郡縣屬扶風郡治雍

唐

雍縣屬扶風郡至德二載改雍縣曰鳳翔又析置天

興縣屬鳳翔郡寶應元年省鳳翔縣入天興屬鳳

翔府



**五代**

俱天興縣屬鳳翔府爲鳳治

**宋**

天興縣屬鳳翔府

**金**

天興縣大定十九年以天興縣與衍慶殿字音相同

改名鳳翔縣屬鳳翔府統隸鳳翔路

**元**

鳳翔縣屬鳳翔府統隸漢中道肅政廉訪使



明

鳳翔縣屬鳳翔府統隸關西道

國朝

鳳翔縣附府統隸鳳邠道編戶三十九里

疆域

附府

廣七十五里

袤九十里

東至岐山縣界四十里至縣治五十里

西至汧陽縣界三十五里至縣治七十里



南至寶雞縣界四十里至縣治九十里

北至麟遊縣界五十里至縣治一百二十里

東南至岐山縣界六十三里

西南至寶雞縣界五十里

東北至麟遊縣界九十里

西北至汧陽縣界六十五里

東至省城三百六十里

東北至京師三千二百里

山川



雍山

城西北三十里記曰四面積高曰雍雍山之

鷄冠山

城北三十里以形似鷄冠故名

黃花峪

城北二十里

元武山

城北三十里上建玄武廟東有泉遇旱禱雨靈應水由周家堡東南流入塔寺河

紫荊山

城西二十五里

靈山

城西北三十五里上有寺亦名靈鷲山

方山

城西北二十五里董家河後有玉皇洞藥王洞奎星樓樓前栢竹交映二水環流

回龍山

城西北二十里落成村

杜陽山

城東北二十五里



展誥山

城西北以形類展誥故名

寶玉山

城東北七十里，有九天聖母廟，遇旱禱雨立應。

老君坡

城東北二十五里，杜陽川水所出。

彭祖原

城西二十五里

五里坡

城西四十里，隴右督護張嚴追金人至此敗沒。

橋頭寨

城東北一十五里，宋吳璘遣將彭青劫金沒立於此。

十八嶺

城東北三十里，鳳麟交界。

瓦廟嶺

城北三十里，有神廟，邑人每歲正月初九日迎神出山，歷各村報賽，至四月始送還廟。

雍水

城西源出，雍山平地東流，歷中牟溪谷，又名中牟水。



橐泉

城內東南隅注水不盈有如橐然故名秦穆公塚在其下

鳳凰泉

城西北水分二支一自城北轉東滙為東湖一自城西折南與衆小泉交滙同入塔寺河

三時原

城南二十里三時皆秦時所作見邑舊志省志載五時見後雜記

謙泉

城東關通津巷北水甘美居民取汲者甚衆時汲時盈盈而不溢故以謙名

玉泉

有二一在城北三十里牛鉢峪上有寺禱雨輒應一在城西三里

虎跑泉

城東北十五里大像寺前一名金沙泉

淘麻泉

有二一在紙坊河東一在紙坊河東南相距數十步

形勝

南控褒斜西達伊涼岐雍高峙汧渭爭流成周興王



之地嬴秦創霸之區舊志

橫水東環靈山西峙汧渭滌帶於前君坡屏倚於後

舊志

### 古蹟

郊禰廟

城北十餘里舊傳姜嫄祈嗣處今爲湫池廟

西伯受道臺

城東北十八里啓聖宮前遺址存

授經臺

城南終南山之別峯尹喜居此書道德經有喜宅遺址

橐泉宮

城內東南隅橐泉側本祈年宮秦惠公所居孝公更名穆公塚在其下

雍縣故城

城南秦德公故都



大鄭宮

秦德公初徙居之  
處今無考

高寢大寢

秦記云康公居雍大寢  
今無考

義塢

城東南十數里秦穆公失良馬  
野人殺而食之者三百人公貴其罪更賜之酒後卒賴其

力以脫晉圍又名野人塢此其地也

鳳女臺

城南五十里秦穆公築以居  
簫史弄王者後人因臺作祠以祀之

古城

城西二里相傳亦秦時所築遺址存

飲馬池

城南六里相傳為秦穆公飲馬之地  
舊時池水東流由金泉寺入三岔河  
今已成陸

杜陽故城

城北九里

岐陽宮

城內隋開皇六年建  
今無考



唐鳳翔司李梁公遺愛頌

金石錄云代宗廣德二年房琯撰文韓擇木八分書

太尉故里

城西南十五里唐段忠烈公所居有公後裔因名其里為太尉里村為太尉村按公

本傳沂陽人此或其僑寓處

蘓文忠公畫

石刻梅菊老竹在府判廳署壁上

秦惠文王詛楚文碑

向出土中置開元寺今不存碑載藝文

王右丞吳道子畫

右丞畫在北街開元寺東閣墨竹兩叢交柯亂葉凌風飛動吳道子

畫在東郭普門寺佛坐雙林下入涅槃像今畫俱無存

維摩塑像

天柱寺唐楊惠之塑維摩詰示疾像今廢

李氏園

城東北五里唐鳳翔節度使李茂貞建有竹閣今廢



真興閣

城中央高十丈周節度使王彥超建今廢

東湖

東門外蘓文忠公引鳳凰泉水瀦成上有苑在君子二亭今惟宛在亭存北岸建蘓公祠

石鼓

唐宋時俱列郡學故蘓文忠公併詛楚文下六景及秦穆公塚共為鳳翔八觀

凌虛臺

宋知鳳翔府陳希亮建府判蘓文忠公為之記後人移築東關三公祠後

章華臺

城西二里不知所始今建王皇閣碑石尚存

喜雨亭

舊府治東北宋蘓文忠公判鳳翔時建自為記今廢

會景亭

舊在城外南溪蘓文忠公遷之少西名招隱今廢有詩

蓮池亭

舊府判廳舍蘓文忠公建名勝志東坡以斗酒易牡丹一叢花大如斗在蓮池亭北今廢

鳳翔府園

有古槐一株唐昭宗扶此樹令朱全忠結轡欲因以誅之後故謂手托槐云今無考



陵墓

鴻塚

史記索隱黃帝臣大鴻葬雍又路史帝鴻氏葬雍二說未知孰是跡今無考

秦穆公塚

城內東南隅有碑入祀典

三良塚

城南半里許穆公以子車氏三子殉詩人爲賦黃鳥今有碑入祀典

六塚

城西北十五里不詳所自或疑秦時諸公塚或云昔有貞女葬此本名女塚乃訛女爲六云

貞女事詳邑人張守中貞女傳

雙塚

城西北八里雙塚村年代名氏無考

明侍郎霍瑄墓

城南五里

經畧袁應泰墓

城西北三里遼城殉難焚死以衣冠葬有傳



御史劉之勃墓

城西北二十五里栢林寺前有墓志見藝文

風俗

詩傳云雍州土厚水深其民厚重質直無鄭衛驕惰之習以善導之則易以興起篤於仁義以猛驅之則其強毅果敢之資亦足以禦侮力農而成富庶之風也

賈誼疏云勇於公戰怯於私鬪

隋志云化爲姬德則閑田而興讓習於秦敝則相稽而反唇



元志云人皆尚氣力喜射獵多出名將

薛思菴野錄云讀秦風喜無淫奔之詩見得秦俗好郡志云居民習俗忠厚不好華靡勤稼穡務本業有先王之遺風又云士皆儒雅

舊邑志云近代民猶朴質尚勤儉士紳敦禮教絕浮靡去古未遠也

按今鳳邑民俗敦本務實士皆以禮義自持與昔志所稱果不差謬

鳳邑冠禮之廢已久間有一二講禮之家三加如儀



喪禮父母沒或次日或三日棺斂孝子以白布纏頭  
寢息苦塊訃報親友掛紙旛於門外或用金鼓亦  
有不用者親友赴弔隨答白布麻巾期止三日遇  
七期百日或行家奠或作佛事親友備儀贈銘旌  
行奠禮臨葬紳士家先期刊刻墓誌行述擇吉日  
點穴請親友報葬期議執事具外槨葬前三日親  
友備儀致奠卽日備饌謝客各送墓誌行述先一  
夕孝子行奠請知禮者相禮葬日晨興行遣奠禮  
扶柩往墓所鼓樂前導親友祖奠預請尊貴者至



墓所祀土書王葬畢迎王歸行虞祭禮三日孝子孝婦具酒饌至墓祭奠謂之復山至於齊民稱家有無以爲隆殺儀節不甚相遠也

祭禮每歲元旦無論貧富備糜羞香楮祭祖先族大者合族會祭祭畢飲福受胙清明節前數日合族奠遠祖墓次各赴親支墓親友拜掃七月十五夕薦新麻新谷謂之祭麻谷十月初一日夜家家祭奠剪楮衣焚之謂之送寒衣冬至祭先多在黃昏時除夕設主祭獻隨人豐儉紳士守禮之家又於



二分二至日設主獻鮮每朔望忌辰薦新致奠

立春之日人飲春酒食白蘿蔔謂之咬春兒童買鬼臉及小春牛以爲嬉戲

元旦五鼓起放爆竹燃香燭祀家神祖先次拜尊長次出門拜親友鄰里紳衿謁官師或有走拜寺廟者嗣後互相請喫節酒

五日縛紙孃操帚並取前四日所積掃土晨送大門外謂之送五窮

元宵張燈花放爆竹鳴金震鼓往來街市謂之鬧元



宵是日家家請壻並女謂之喫十五送燈油謂之  
添油川苡麪蒸盞燃燈按十二月以下雨澤散照  
房室謂之禳火災照毒蝎十六日男婦出外謂之  
走百病自元日至十六日婦女皆忌女工不舉

二月二日煮元宵燈盞食之云咬蝎子

三月清明節家家上墳祭掃新塚添土

四月八日俗謂城西靈山是釋迦經行處遠近男婦  
咸往祈拜自初一日至此登山者不絕於道鄰郡  
鄰省間亦有至者



五月五日親友互相饋遺插艾於戶食角黍飲火酒  
婦人簪榴花戴彩勝小兒佩避兵符繫長命縷以  
雄黃遍塗耳鼻

六月六日曬衣物做麪合醬間有上墳燒紙潑湯者  
母家授新嫁女以單衣謂之辟涼

七月七夕閨秀設瓜果茶漿祀織女以乞巧

八月十五日親戚有瓜餅之餽至夕玩月

九月重陽相約登高賞菊飲酒作糕以饋女家

十月秋成報答土功祭獻山神迎賽經月不絕



冬至卑幼拜尊長如元旦儀

臘月八日貧富槩食粥是日以粥餵牲口及塗果樹  
云牲口肥壯結果殷繁

二十四日夜設湯餅酒果雞牲以祀竈

除日門換桃符寫春帖并磴具封闔室飲酒圍爐至  
深夜謂之守歲先數日親友互相餽遺不絕



